



**Magna Gloria Antiquæ & Novissimæ Domus
Schwarzacensis A Magno Sacerdotio Sive Vita & Res
Præclare Gestæ ... DD. Abbatum Celeberrimi &
Antiquissimi Monasterii O. S. B. in Münster-Schwartzach**

**Friedrich Karl <Bamberg, Bischof>
Wirceburgi, 1743**

Gotswinus Abbas XIX.

[urn:nbn:de:hbz:466:1-64362](#)

eo fuit, ut pristinum Monasterio & Ecclesiæ splendorem redderet: Eum in finem templum, quod ruinam minabatur, reparavit, Sacellum etiam D. Joannis honoribus supra Monasterii valvas extruxit, ratus nihil ad officii sui partes ita pertinere, quam ædes Deo sacras vel à ruina vindicare, vel magis magisque exornare. Ad laudabile hoc studium instaurandæ Ecclesiæ accedebat grata quædam erga conditorum Benefactorumque nostrorum cineres pietas, & pia gratitudo, quæ Sigenhardi animum eò induxit, ut in medio templi Sarcophagum lapideum excitari curaret, qui Meingaudi Comitis Fundatoris primi, & Ymæ Conjugis, Erlungi Episcopi Heribolensis, Eggeberti & Burckardi Abbatum ossa custodiret; ad quorum societatem, ut piè confidimus, & ipse in Cœlesti Patria pervenit anno 1165. piè defunctus.

GOTSWINUS ABBAS XIX.

Anno Domini 1165. creatus Abbas Gotswinus fuit, Antecessori suo zelo Religionis quam simillimus: Templi enim nostri splendorem augere variis modis studuit; duo præcipue altaria, alte-

alterum in D. Magdalenæ, in S. Agapiti Martyris honorem alterum excitando: Quæ altaria cæteraque zeli illius monumenta licet hodie destructa sint; optimi tamen Præfulis memoria nostris nunquam in animis obliterabitur. Monasterium curæ suæ commissum habuit annis 14.; quibus elapsis piè in Domino obiit, anno 1179.

TRAGOBERTUS ABBAS XX.

Magnam de se exspectationem concitaverat Tragobertus, dum Monasterii nostri Abbas anno 1179. renunciatus est: & quidni à Viro præclaris queiscunque dotibus ornato optima quæque sperare jure potuimus? At ecce! non tam datus nobis Tragobertus, quam ostensus fuisse visus est; anno quippe suscepti regiminis altero obiit.

GOTTFRIDUS ABBAS XXI.

Secutus Tragobertum proximè fuit Gottfridus anno 1181., qui demandatam sibi gubernandi Monasterii provinciam annis duobus supra vinti laudabiliter administravit: decimam in
Ost-